

清·程国龄 原撰

朱序东 朱仪亭 编著

医学心悟杂症要义

中医古籍出版社

医学心悟杂症要义

清·程国龄 原撰

朱序东 朱仪亭 编著

中医古籍出版社

(京)新登字027号

责任编辑 吴炳银

封面设计 杨衡

2072/35

医学心悟杂症要义

清·程国龄 原撰

朱序东 朱仪亭 编著

中医古籍出版社出版

(北京市东直门内北新仓18号)

邮政编码 100700

定兴县印刷南厂印刷

新华书店北京科技发行所发行

787×1092毫米 32开本 3.625印张 78千字

1993年2月第1版 1993年2月第1次印刷

印数 0001~2500

ISBN 7-80013-403-2/R-400

定价：2.40元

自序

先高曾祖，世业岐黄，至先祖仪亭公而名尤噪，兰垣方数十里内，活人无算，咸称之为“朱三爷”，盖彼时兰州城小，居众亦不多也。犹忆家之南厅悬有凉州教谕孙寿山题赠匾额一方，文为“丹溪品望”，嗣配刘尔斯先生撰书板联一幅，文曰：“承家有柏庐格言，垂老不忘修己法；救世守椿庭遗教，毕生能读活人书。”岩儿时尝闻先君述及先祖为人治病之状：诊脉必反复再三，遣药则审慎斟酌，用量即分厘不苟，遇邀诊，虽丙夜必往，以未能就诊者多属重症也，诊次，必嘱病家务将药后症状见告，归家后，恒眠竟夜不安枕，晨明，即倾昕扣环之轻重以判病者之安危，其视病者若己之病也如此。高祖王父，年远阙闻；惟家之北堂亦悬有甘肃臬司邓承伟鸣谢先曾祖序东公之匾额，题曰：“年高德邵”，并叙其来兰前屡有子而屡殇于痘，遇痘症则阖家惴惴，主纂兰垣后，又有子病痘，及延先曾祖而活之之状于后，称先曾祖为“兰之有道君子”；堂东西侧系邓氏撰赠之板联，文为：

“笑我雪盈颠，甚望儿曹娱白发；是谁春在手，竟从人海遇丹溪。”是先曾祖亦兰垣医之巨擘也。此稿乃先曾祖诊余阅读《医学心悟》时眉端所记，先祖亦有补记，约成于清咸丰至光绪间，原作子孙习医绳墨，未敢炫术示人，世代读诵，书角为圆，眉颠字迹已多不可辨识，为免年久湮没，恭谨整录，其阙夺难辨处，由岩逐一揣摩校补，如有讹谬，乃岩之

过，非原记有误也。颜曰《医学心悟杂症要义》。复恐贻人以炫示之诮，蛛网尘封者垂三十年。转念活人之术，韫椟而藏，何如公诸于世，尚可获匡谬补阙之得，又何憾焉！爰商之甘肃中医学院郑元成馆长，复蒙中医古籍出版社傅景华社长鼎力支持，得以刊行，古道热肠，歿存铭感，倘有能为同道参酌以资涓埃之助者，何幸如之。

朱太岩谨述
时年七十五岁
一九九一年春

例　　言

一、五十年代西医学习中医期间，曾以清程国龄所撰《医学心悟》为必读之一。爰取先曾祖、先祖阅读《医学心悟》所记，予以整理，欲应同道参酌；然而时作时辍，一暴十寒，比及成稿，已春秋五易矣。

二、《医学心悟》五卷，首、二两卷为诊病要义及伤寒，三至五卷为杂症及妇科，首、二两卷，专论甚多，毋庸置喙，本稿所记乃三至五卷杂症之属，且非每症必议，故题为《医学心悟杂症要义》。

三、人民卫生出版社于一九五五年影印之《医学心悟》，系清雍正程树滋堂本，每页分上、下两栏，每栏影印原书正反两面一页，先曾祖、先祖所记之本，为雍正徽郡慎德堂版，款式行格均同程本，仅阙饶兆熊序一篇而已。

四、近世以来，知识更新，学术跃进，大有一日千里之势，《要义》所记，成于百年以前，时殊势异，自不能无不当之论，为存原貌，未作任何更易，是非之间，明眼人自善审处，固无须整理者饶舌也。

五、《要义》原编有“引方”卡片，未及逐录而散佚，本拟重编，以备参照，嗣以中医方剂辞典行将问世，凡所引方，谅可索得，为节篇幅，不再重复，读者鉴之。

朱太岩识

目 录

中风门	(1)	噎嗝	(32)
类中风	(3)	痢疾	(33)
伤暑霍乱搅肠沙	(5)	泄泻	(36)
疫疠	(6)	疟疾	(37)
虚劳	(8)	论水肿鼓胀	(38)
咳嗽	(13)	水肿	(38)
喘	(14)	论血分水分	(41)
吐血	(15)	臌胀	(42)
头痛	(16)	积聚	(43)
心痛	(16)	疝气	(46)
胸痛	(18)	痰饮	(48)
肋痛	(18)	呕吐哕逆	(50)
胃脘痛	(19)	三消	(52)
腹痛	(19)	热淋	(54)
小腹痛	(22)	小便不通	
身痛	(23)	关格孕妇转脬	(56)
肩背臂膊痛	(24)	大便不通大小肠交	
腰痛	(25)	遗尿 脱肛	(57)
痹鹤膝风	(27)	小便不禁	(60)
痿	(29)	便血	(61)
脚气	(31)	尿血	(62)
疠风	(31)	遗精	(63)

赤白浊	(63)	子鸣	(82)
黄疸	(64)	子暗	(82)
不能食	(64)	孕妇内痈	(83)
不得卧	(65)	鬼胎	(83)
癫痫	(65)	热病胎损	(84)
惊悸恐	(66)	娠妊小便不通	(84)
眩晕	(67)	胎水肿满	(86)
健忘	(68)	乳自出	(86)
嘈杂	(68)	临产将护法	(86)
咽喉口舌齿唇	(69)	十产论节选	(88)
目	(70)	交骨不开产门	
面	(71)	不闭	(89)
癰疬	(72)	胞衣不下	(89)
鼻	(72)	产后将护法	(90)
耳	(73)	产后血晕	(91)
痔疮	(73)	产后不语	(91)
暴崩下血	(74)	产后发热	(92)
诊妇人有孕法	(74)	产后癫痫	(93)
恶阻	(75)	心神惊悸	(94)
胎动不安	(76)	汗多变痉	(94)
胎漏	(77)	产后身痛	(95)
子悬 子眩	(78)	产妇腰痛	(96)
胎不长	(79)	恶露不绝	(97)
半产	(79)	产后心腹诸痛	(97)
子烦	(80)	蓐劳	(98)
子痫	(81)	喘促	(99)

鼻黑鼻衄	(99)	妇人隐疾	(101)
产后乳疾	(100)	附录 梁茂名《舌鉴辨正》总论	
乳痈乳岩乳痒	(100)	(102)

医学心悟杂症要义

中 风 门

“中风者，真中风也，有中腑中脏中血脉之殊。中腑者中在表也，外有六经之形症，与伤寒六经传变之症无异也。中太阳用桂枝汤，中阳明葛根汤加桂枝，中少阳小柴胡汤加桂枝，其法悉具伤寒门，兹不赘。”

此一段是伤寒论三阳伤风表症，与中风门全无关涉。又“腑”字当作“经”字，若云入腑，则里症矣，安用葛根、桂枝耶？

“中脏者中在里也，其人眩仆昏冒，不省人事，或痰声如曳锯，宜分脏腑寒热而治之。假如其人素挟风寒，或暴中新寒，则风水相遭，寒冰彻骨，而风为寒风矣。”

此一段即伤寒阴症，亦与中风门无涉。

“假如其人素有积热，或郁火暴发，则风乘火势，火借风威。而风为热风矣。”

自此段起方是中风门。

“为热风，多见闭症。其症牙关紧急，两手握固。法当疏风开窍，先用搐鼻散吹之，次用牛黄丸灌之。若大便闭结，腹满胀闷，火势极盛者，以三化汤攻之。”

言热风者多系肾水过虚之人，法当遵丹溪大剂滋阴。攻之一法，须慎用也！

“为寒风，多见脱症，其症手撒脾绝；眼合肝绝；口张

心绝；声如鼾肺绝；遗尿肾绝。更有两目直视，摇点上窜，发直如妆，汗出如珠，皆脱绝之症。法当温补元气。急用大剂附子理中汤灌之。若痰涎壅盛，以三生饮加人参灌之。间亦有寒痰壅塞，介乎闭脱之间，不便骤补者，用半夏橘红各一两，浓煎至一杯，以生姜自然汁对冲，频频灌之，其人即甦，然后按其虚而调之。”

言寒者即阳虚之人也，此段所论甚是，宜恪遵之。惟三生饮用以救急，诚为良法，但分量太重，无已，照原方三分之一可也。

“然予自揣生平，用附子理中治愈者甚多，其用牛黄丸治愈者，亦恒有之。惟三化汤一方，并未举用，此必天时地土人事之不同。然寒热之剂，屹然并立，古方具在，法不可泯，故两存之，以备参酌。”

法虽并存，然遇此症，而用大黄，未有不杀人者，三化汤慎用！牛黄丸取其消痰顺气，亦初起暂用之法耳，五七日后，须遵俞氏塞空之旨，用侯氏黑散法也。

“口噤角弓反张，痓病也。但口噤而兼反张者，是已成痓也，小续命汤。口噤而不反张者，是未成痓也，大秦艽汤。”

此条宜摘入痓症之下，盖痓症极重，不遇角弓反张，不致口噤也。又小续命汤内有麻黄，系指伤寒痓症兼表症者，风痓当去之。

大秦艽汤

治风中经络，口眼歪斜、半身不遂，或语言蹇涩，乃血弱不能养于筋，宜用养血疏风之剂。经云：治风先治血，血行风自灭是也。

秦艽一钱五分 甘草（炙） 川芎 当归 茯苓 生地

熟地（自制） 茯苓 羌活 独活 白术 防风 白芷
黄芩（酒炒）各八分 细辛二分

水煎服。如或烦躁口渴，加石膏一钱五分；阴雨，加生姜三片；春夏，加知母八分。

此治风初起之方，只可一二服。若用以舒筋，则羌、防、细辛当减，威灵仙、钩藤当加。又中风者命门多虚，知母当慎用！

神仙解语丹

白附子（炮） 石菖蒲（去毛） 远志（去心，甘草水浸，炒） 天麻 全蝎（去尾，甘草水洗） 羌活 南星（牛胆制多次更佳）各一两 木香五钱

为末，面糊丸、龙眼大、每服一丸、薄荷汤下。

此方用之屡效，不但治中风不语，兼治夏间阴寒痧症。

地黄饮子

熟地（九蒸晒）二钱 巴戟（去心） 山萸肉（去核）
肉苁蓉（酒浸焙） 石斛 附子（炮） 五味子（杵炒）
白茯苓各一钱 石菖蒲（去毛） 桂心 麦冬（去心） 远志（去心，甘草水泡炒）各五分 入薄荷少许 姜一片 枣二枚

水煎服。气虚加人参二钱。

用菖蒲恐引热药入心窍，转致中焦热，有痰迷之虑，慎之！

类 中 风

“类中风者，谓火中、虚中、湿中、寒中、暑中、气中、

食中、恶中也，共有八种，与真中相类而实不同也。然类中有与真中相兼者，须细察其形症而辨之。”

类中即景岳所谓非风，景岳于此篇后各症杂列，不如此书明分八条为易晓也，至与真中相兼者，仍作中风治，其各症用药亦兼及之。

“凡真中之症，必连经络，多见歪斜偏废之候，与类中之专气致病者，自是不同。然而风乘火势，邪乘虚入，寒风相搏，暑风相炫，饮食招风，种种变症，所在多有，务在详辨精细。”

寒甚血凝则筋缩，热甚血耗筋亦缩，皆能牵引偶然歪斜。惟真中之歪斜必口吐涎沫，日甚一日，而寒热牵引之歪斜，旋发旋止，口无涎沫也。

“或问火中而用桂附者，何也？答曰：肾阳飞越，则丹田虚冷，其痰涎上壅者，水不归原也；面赤烦躁者，火不归原也，惟桂附八味能引火归原。火归水中，则水能生木，木不生风，而风自熄矣。”

内风皆生于肝，皆缘肾虚，妙义无多，已发真中之源，勿徒作火门看也。

“湿中者，即痰中也。凡人嗜食肥甘，或醇酒乳酪，则湿从内受；或山岚瘴气，久雨阴晦，或远行涉水，坐卧湿地，则湿从外受。湿生痰，痰生热，故卒然昏倒无知也。苍白二陈汤主之。”

此症甚多，其人无不虚者，一二剂利痰之后，即当补气健脾。

“凡人暴中于寒，卒然口鼻气冷，手足厥冷，或腹痛，下利清谷，或身体强硬，口噤不语，四肢战摇，此寒直中于

里也。宜用姜附汤，或附子理中汤加桂主之。”

此即《医门法律》中寒病也，与风门无涉。凡此症投以桂、附之后，筋脉乍舒，必见手指搐搦、眼动唇摇之象，切不可再投风药。

“七情气结，或怒动肝气，以致气逆痰壅，牙关紧急，极与中风相似，但中风身热，中气身凉，中风脉浮，中气脉沉，且病有根由，必须细究。宜用木香调气散主之。”

真中风其脉多闭、浮者少，中气，肝脉有极大者，只当舍脉问症。

“醉饱过度，或者恼怒，以致饮食填塞胸中，胃气不行，卒然昏倒，宜用橘红二两、生姜一两、炒盐一撮，煎汤，灌而吐之。次用神术散和之。”

吐法不可轻用。

木香调气散

平肝气，和胃气。

白蔻仁（去壳，研） 檀香 木香各一两 丁香三钱
香附五两 藿香四两 甘草（炙） 砂仁 陈皮各三两

为细末，每服二钱，入盐少许点服。体虚者，服四分可也。

伤暑 霍乱 搅肠沙

“更有干霍乱症，欲吐不得吐，欲泻不得泻，搅肠大痛，变在须臾，古方以烧盐和阴阳水引而吐之，或以陈皮同煎吐之，或用多年陈香圆，煎汤更佳。俗名搅肠沙、鸟沙胀，皆此之类。”

此症甚急，危在倾刻！取药不及，先灌阴阳水，并刺腿弯青筋出血，再刺是二指上青筋，如出血则渐减。其用药总以厚朴为君，干香圆、佛手亦妙，甚者加檀香，盖脾得香气即舒，舒则能吐能泻矣。

清暑益气汤

预服此药，以防暑气。

黄芪一钱五分 白术一钱 人参 当归 陈皮 麦冬
(去心) 甘草(炙)各五分 扁豆二钱 茯苓七分 升麻
柴胡 北五味各三分 神曲四分 黄柏 泽泻各二分

参芪闭气，若受暑反不能出矣。

暑症一篇，句句明晰，诚临症之金针，平时揣摩，当于《医门法律》暑、湿、热三气门合参。一言以蔽之，暑气伤脾，当用气香行动之药，如厚朴、藿香、砂仁、香薷、佛手、香圆之类。

疫 痘

“天行之气，从经络入，其症头痛发热，宜微散，香苏散散之。病气传染，从口鼻入，其症呕恶胸满，宜解秽，神术散和之。”

天行之气亦从口鼻而入，当遵吴氏《温疫论》，但吴氏达原饮中只有草果、槟榔、厚朴，而无芳香解秽之药，宜加入藿香、泽兰，再以四时随有香花塞鼻孔中，屡换以驱秽气，取效更速。

“又有头面肿大，名曰大头瘟者；颈项粗肿，名曰虾蟆瘟者，古方普济消毒饮并主之。但头肿之极，须用针砭，若

医者不究其理，患者畏而不行，多致溃裂腐烂而难救。若颈肿之极，须用橘红淡盐汤吐去其痰，再用前方倍甘橘主之，须以早治，不可忽也。”

此症属杂疫门，刘松峰《补注温疫论》治法甚详。以大头、蠅蠆二症言之，普济消毒饮中凉药，皆须用酒炒过，以桔梗三、五钱煎汤，再煎各药，方能取效；急以针刺少商，合谷二穴出血，庶乎可治。此等症针刺之功十之七，药之功十之三耳。

“或问香苏散、神术散，芳香药也。人中黄，有秽气者也，而皆以之解疫毒、消秽气。何也？不知邪客上焦，乃消虚之所，故以芳香以解之。邪客中下二焦，乃浊阴之所，疫毒至此，结而为秽，则非芳香所能解，必须以秽攻秽，而秽气始除，此人中黄之用，所以切当也。”

以秽药引香药，方能驱秽，以秽药引下药，方能逐秽；以秽药引表药，方能散秽，非只用秽药也。若只用秽药，是益其秽矣！须知温疫一症，吴氏独得其源，更当参以叶氏芳香之法逐秽。至传经入里等症，不外伤寒汗、吐、下三法，但表解不用麻黄耳。此篇治法谨慎，但恐药力不及，且用药宜泛，想其时吴氏《温疫论》尚未盛行也。

治疫清涼散

秦艽 赤芍 知母 贝母 连翹各一钱 荷叶七分 丹参五钱 柴胡一钱五分 人中黄二钱

水煎服。如伤食胸满加麦芽、山楂、萝卜子、陈皮；胁下痞加鳖甲、枳壳；昏愦谵语加黄连。热甚大渴能消水者加石膏、天花粉、人参；便闭不通、腹中胀满者加大黄下之；虚人自汗多，倍加人参；津液枯少，更加麦冬、生地。

若时行寒疫、不可轻用凉药、宜斟酌投剂。

谵语下症多，当酌用大黄，勿轻用黄连。寒疫详见《补注温疫论》，治法不过于芳香药中多加姜耳。万勿轻投桂、附。盖初起虽是寒气，久则正气闭塞，邪气有余，便是火也。

虚 劳

“凡虚劳之症，多见吐血、痰涌、发热、梦遗、经闭，以及肺痿、肺疽、咽痛、音哑、侧卧、传尸鬼疰诸疾，今照葛仙翁十药神书例，增损方法，胪列于左，以便观览。”

虚劳症，惟有《医门法律》建中汤行营气一法，深合经旨，然骤用骇人听闻。其次莫如此书之法稳妥平善。遇善养之人，十中亦愈三四；后列生地黄汤、清骨散两方内皆可参入桂枝、大枣等药，两书参看。

甲字号方

“止嗽散为主，予见虚损之症，多由于吐血，吐血之因，多由于咳嗽，咳嗽之原，多起于风寒。仲景云：咳而喘息有音，甚则吐血者，用麻黄汤。东垣师其意，改用麻黄人参芍药汤。可见咳嗽吐红之症，多有因于外感者，不可不察也。”

仲景用麻黄，是伤寒症内寒气束肺之症，东垣以之治些微风寒之嗽，已觉过剂，若施之虚劳之人，煽其肺，耗其液，有不速死者乎？

月华丸